

## Transkription von Urkunde QBD 1359a

Ort, Datierung: Quedlinburg, 1359-12-13

Signatur: Stadtarchiv Quedlinburg, Abt. IV, 97

Inhalt: Rat der Stadt Quedlinburg: Quittung für das Gotteshaus in Ballenstedt

---

Wye Radesmeste(re) . de Rad Jnnynghemeste(re) vnde de gantze meynheit der borghe(re) / der alden stad vn(de) der nýghen to Quedelingborch . Bekenne(n) vn(de) betũghen / indisseme openen breue dat de Erbaren . He(re)n Her Eckard abbat Her Hinr(ik) Prior / Her Bode Custer vn(de) de gantze sammeni(n)ghe des goddeshuses to Ballenstede hebben / vns af ghe koft enen hof inder nýghen stad bý sente nýcolause to Quedelinb(orch) / in disser wise also hir na ghescreue(n) steit . dat de hof vn(de) alle dat gũd dat se vn(de) / alle ore nakomelinghe vn(de) alle ore brodede sinde indeme houe nũ hebbe(n) vnde / noch hebbende [werden scal sin ...] <sup>1</sup> van . vnser weghene . ledich . los . vn(de) . vry . schotes / wachte . vn(de) aller plicht [...] wonede auer eyn borgher oder eyn / bũr in deme houe in sines sulues rade [o]der in welker wýse de ore brodede ghe/sinde nicht enwire . de scal van sineme gude don lik eneme ande(re)n borghe(re) / sũnder wachte Ok scole wý ore gũd dat vt deme houe vnde in geýt vnde / ore ghesinde ores rechten vordedinghen also wý vordeste kũnnen . vn(de) moghen / lijk vsen . borghe(re)n . Dat alle disse vorgescree(n) dingh van vns vn(de) van vnsen / nakomelinghen . stede vn(de) vnvorbrokelek ghe halden werden . so geue wý one / dissen bref med vnser stad openba(r)e jngesegele truwelke(n) besegelt vn(de) ghe/vestent Na . goddes bord drytteinhũndert iar indeme neghen vn(de) veftigsten / iare in sente Lucien daghe der heyligen Jũncvrowen

---

<sup>1</sup> diese und die folgenden ausgelassenen Textteile unleserlich durch Riß im Dokument